

ПРЕЗИДЕНТ САМАРҚАНДАГА ТАШРИФ БУЮРДИ

Ўзбекистон Республикаси Президенти Шавкат Мирзиёев
13 сентябрь куни Самарқандга келди.

Давлатимиз раҳбари дастлаб Имом Бухорий мақбарасини зиёрат қилди. Қуръон тиловат этилиб, дуо ўқилди.

Шавкат Мирзиёев Биринчи Президентимиз Ислом Каримов қабрини ҳам зиёрат қилди. Аини кунларда Самарқанд улкан

сиёсий воқеалар тараддудида. Бугундан олий даражадаги ташрифлар бошланади. 15-16 сентябрь кунлари Ўзбекистон Республикаси Президенти

Шавкат Мирзиёев раислигида Шанхай ҳамкорлик ташкилоти Давлат раҳбарлари кенгашининг 22-мажлиси бўлиб ўтади.

ЎЗА

Ўзбекистон Республикаси Президентининг ҚАРОРИ

ТАДБИРКОРЛИК СУБЪЕКТЛАРИ ФАОЛИЯТИДА ТЕКШИРУВЛАР ЎТКАЗИШНИ МУВОФИҚЛАШТИРИШ ТАРТИБИНИ ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Жорий йилнинг 22 август куни ўтказилган Ўзбекистон Республикаси Президентининг тадбиркорлар билан очик мулоқоти доирасида белгиланган устувор вазифалар ижросини таъминлаш, шунингдек, тадбиркорлик субъектлари фаолиятига асоссиз аралашувларнинг олдини олиш, назорат қилувчи органларнинг масъулиятини ошириш ва фаолияти очиклигини таъминлаш мақсадида:

1. Ўзбекистон Республикаси Президентининг 2021 йил 15 сентябрдаги ПФ-6314-сон Фармонида мувофиқ тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил (кейинги ўринларда — Тадбиркорларнинг ҳуқуқларини ҳимоя қилиш бўйича вакил) томонидан тадбиркорлик субъектлари фаолиятини текшириш жараёнини мувофиқлаштириш ва уларнинг очиклигини таъминлаш, шунингдек, давлат назорати функциялари, мажбурий талаблар ва тадбиркорлик субъектлари фаолиятини текшириш ҳуқуқига эга мансабдор шахсларнинг электрон реестрларини юритиш имконини берувчи “Ягона давлат назорати” ахборот тизими ишга туширилганлиги маълумот учун қабул қилинсин.
2. Белгилансинки, назорат қилувчи органлар томонидан 2022 йил 1 ноябрдан бошлаб:

тадбиркорлик субъектлари фаолиятида ўтказиладиган барча текширувлар “Ягона давлат назорати” ахборот тизимида рўйхатга олинади. Бунда тадбиркорлик субъектлари фаолиятида мазкур тизимда рўйхатга олинмаган текширувларни ўтказиш ноқонуний ҳисобланади;

тадбиркорлик субъектлари фаолиятида ўтказилган текширувларнинг натижалари ҳамда профилактика тадбирлари тўғрисида маълумот текширув ёки профилактика тадбирлари туганган кундан бошлаб уч кун муддатда “Ягона давлат назорати” ахборот тизимида киритилади.


3. Шундай тартиб ўрнатилсинки, унга мувофиқ:
 - а) назорат қилувчи органлар: “хавфни таҳлил этиш” тизими натижаларига асосан ўтказиладиган текширувларнинг бошланиши ҳақида камидан 10 иш куни олдин тадбиркорлик субъектини хабардор қилади;
 - тадбиркорлик субъектининг илгари текширилган фаолият давридаги предмет ва объекти бўйича қайта текширув ўтказишга ва тадбиркорлик субъекти томонидан аввал тақдим этилган ҳужжатларни талаб қилишга ҳақли эмас;

Давоми 2-бетда

Ўзбекистон — Россия:

ВАҚТ СИНОВИДАН ЎТГАН СТРАТЕГИК ШЕРИКЛИКНИНГ ЯНГИ БОСҚИЧИ

Ўзбекистон Президенти Шавкат Мирзиёевнинг таклифига биноан Россия Президенти Владимир Путин 15-16 сентябрь кунлари мамлакатимизга ташриф буюради.



Давоми 3-бетда

Ўзбекистон ва Эрон:

ЎЗАРО МАНФААТЛИ АЛОҚАЛАР УЎҚЛАРИ КЕНГАЙМОҚДА

Ўзбекистон Президенти Шавкат Мирзиёевнинг таклифига биноан Эрон Президенти Иброҳим Раисий 14-16 сентябрь кунлари расмий ташриф билан мамлакатимизда бўлади.




Эрон етакчиси Шанхай ҳамкорлик ташкилоти давлат раҳбарлари кенгашининг Самарқанд шаҳрида бўлиб ўтадиган саммитида иштирок этади.

Ўзбекистон — Эрон муносабатларининг тарихи узоқ ўтмишга бориб тақалади. Мамлакатларимиз ўртасидаги алоқалар Ўзбекистон мустақилликка эришганидан сўнг янги мазмун касб этиб, тобора равнақ топиб бормоқда. Икки давлат етакчиларида Ўзаро муносабатлар даражасини замон талабларига мос равишда юксалтиришга бўлган кучли ирода мавжуд.

Давоми 3-бетда

САМАРҚАНД САММИТИГА ТУҲФА

“ШАНХАЙ ҲАМКОРЛИК ТАШКИЛОТИГА АЪЗО ДАВЛАТЛАР КОНСТИТУЦИЯЛАРИ” КИТОБИ ЧОП ЭТИЛДИ



Жорий йил 15-16 сентябрь кунлари Самарқанд шаҳрида Шанхай ҳамкорлик ташкилотининг навбатдаги саммити бўлиб ўтади. Ушбу нуфузли анжуман пандемия бошланганидан бери, яъни сўнгги уч йилда илк марта бевосита мулоқот шаклида ўтказилади.

Шанхай ҳамкорлик ташкилоти катта географик ҳудудни қамраб олади ҳамда сайёрамиз аҳолисининг қарийб ярмини бирлаштиради. Ташкилот қисқа фурсатда маслаҳат механизми шаклидан кенг қамровли давлатлараро бирлашмага айлана олди. Бунга ШХТнинг асосий инструментлари — тенг ҳуқуқлилик ва консенсус, цивилизациялараро ва маданий хилма-хиллик, шунингдек, барча аъзо давлатларнинг суверенитетини ҳурмат қилиш кабилар ёрдам берди.

Сўнгги йигирма йилда халқаро ҳамжамият ШХТ фаолиятида катта ўзгаришлар гувоҳи бўлди. Буюк ипак йўлининг марвариди — Самарқандда қатор муҳим концептуал ҳужжатлар, жумладан, “Шанхай руҳи” тамойили асосида халқаро миқёсда ШХТнинг тадрижий ривожини янги босқичга олиб чикувчи ШХТга аъзо давлатлар раҳбарларининг Самарқанд декларацияси қабул қилиниши кутилмоқда.

Давоми 4-бетда

ШХТ САММИТИ ОЛДИДАН

ЯНГИ ЎЗБЕКИСТОННИНГ УМУМПЛАНЕТАР ТАМОЙИЛЛАРИ



Дунё қалқиб турибди. Ер шарининг баъзи жойларида ўқ овозлари эшитилади. Урушлар, хунрезлик ҳолатлари мавжуд. Диний экстремизм, ақидапарастлик, терроризм инсониятга таҳдид солмоқда. Ана шундай мураккаб шароитда дунё хавфсизлигини, тинчлиги ва барқарор тараққиётини таъминлаш ҳар бир давлатнинг муҳим вазифасига айланмоқда. Тинчлик учун жавобгарликни ҳаётнинг ўзи тақозо этмоқда.

Давоми 2-бетда

ИНСОН ҚАДРИ УЧУН

МЎЙНОҚ — БУГУНИ КЕЧАДАН, ЭРТАСИ БУГУНИДАН ФАЙЗЛИ



КУНИ КЕЧА МЎЙНОҚ АЭРОПОРТИДА ИЛК ПАРВОЗЛАР АМАЛГА ОШИРИЛИБ, “ТОШКЕНТ – НУКУС – МЎЙНОҚ” ЙЎНАЛИШИДА МУНТАЗАМ АВИАҚАТНОВЛАР ЙЎЛГА ҚЎЙИЛДИ

6-бетга қаранг.

МУНОСАБАТ

ХАЛҚАРО ҲАМКОРЛИКНИНГ ЯНГИ ФОРМАТИНИ ШАКЛАНТИРИШДА МУСТАҲКАМ ПОЙДЕВОР

Президентимиз Шавкат Мирзиёевнинг оммавий ахборот воситаларида эълон қилинган “Шанхай ҳамкорлик ташкилотининг Самарқанд саммити: ўзаро боғлиқликдаги дунёда мулоқот ва ҳамкорлик” сарлавҳали мақоласи халқимиз ҳамда дунё жамоатчилиги томонидан катта қизиқиш билан кутиб олинди. Мақолада бугунги куннинг энг долзарб мавзуси — дунёда тинчлик-тотувликни мустаҳкамлаш, тараққиёт йўлида ўзаро ишонч ва ҳамкорликни мустаҳкамлаш масалалари таҳлил этилган. Бу борада Шанхай ҳамкорлик ташкилотининг ўрни, хусусан, ушбу тузилманинг Самарқандда ўтадиган навбатдаги саммити аҳамияти, Ўзбекистон ташаббусларининг мазмун-моҳияти теран очиб берилган.

Бугунги ахборот глобаллашуви шароитида дунё миқёсида шиддатли жараёнлар кечмоқда. Давлатлар ўртасидаги ўзаро ишонч емирилиб, геосиёсий ўйинлар, ҳатто кулролли қарама-қаршиликлар тобора кенгайиб бораётир. Ўзаро ишончсизлик, ҳамкорлик алоқаларининг чеклангани жаҳон иқтисодиётини тушкунлик гирдобига ташлади. Дунёнинг турли минтақаларида давом этаётган кулролли моjarолар савдо ва инвестиция оқимларини издан чиқариб, озик-овқат ва энергетика хавфсизлигини янада кескинлаштирди, нарх-наво кўтарилишига сабаб бўлди. Боз устига, иқлим ўзгариши, табиий бойлиқлар ва сув ресурслари танқислиги ортиши, биохилма-хилликка путур етиши ҳамда хавфли юқумли касалликлар тарқалиши инсониятни хавотирга солиб қўйди. Ҳўш, бундай талатўплар шароитида қандай йўл тутмоқ керак?

Давоми 4-бетда

